



SAKSPAPIR

Saksnr	Utval	Type	Dato
70/2021	Kommunestyret	PS	15.06.2021
79/2021	Kommunestyret	PS	07.09.2021

Sakshandsamar	Arkiv	ArkivsakID
Lin Tove Thomassen	FE-033	21/443

INTERPELLASJON TIL KOMMUNESTYRET - OMGJERING FRÅ HYTTE TIL EINEBUSTAD

Kommunestyret - Sak 70/2021

KOM - Behandling:

I reglementet for kommunestyret er det sett av 1 time til interpellasjonar. Denne tida vart overskriden, og interpellasjonen vart i møtet fremje på nytt til neste møte.

KOM - Tilråding/Vedtak:

Kommunestyret - Sak 79/2021

KOM - Behandling:

Interpellanten fekk ordet først og fremja interpellasjonen.

Ordførar gav slikt svar:

Vaksdal kommune er i ein situasjon der me bør undersøka ulike mogelegheiter for å stabilisere og auke folketalet. Å gjera det enklare å gjera fritidsbustad om til heilårsbustad kan i utgangspunktet sjå ut til å vera eit enkelt og godt grep. Sidan saka har økonomisk og praktisk konsekvens støttar eg interpellanten sitt forslag til vedtak om å bestille ei sak i forkant av budsjetthandsaming der me får vurdert konsekvensar ved saka.

Interpellanten fekk ordet først, før det vart opna for debatt.

Interpellanten sitt forslag til vedtak vart samrøystes vedteke.

KOM - Tilråding/Vedtak:

Kommunestyret ber om ei sak i forkant av budsjetthandsaming 2022 der ein ber administrasjonen greie ut om ein kan redusere gebyr knytt til bruksendring frå hytte til hus som eit ledd i arbeidet med å få til stabilisering og vekst i folketalet.

Saksopplysningar:

Frå Ivar Bergo, Sp, ligg det føre slik interpellasjon:

Interpellasjon til kommunestyret: Gjera det enkelt å gjera hytta til einebustad.

I Vaksdal er det mange hytter. Mange av desse er av ein standard som gjer at dei kunne vore brukt som einebustad.

Koronasituasjonen har fått svært mange arbeidsgjevarar til å tilpassa seg tilsette på heimekontor, og veldig mange vil få anledning til å velga heimekontor også etter at pandemien er over. For nokon vil dette gjera det mogeleg å bu på hytta heile året.

Me ønsker folketalsvekst i Vaksdal, og eg meiner alle steinar må snuast. Å rabattera gebyret for bruksendring frå fritidsbustad til einebustad, er ein fin invitasjon til hytteeigarar å melda flytting til Vaksdal. Dette gebyret har eg fått opplyst ligg rundt 14.000 kroner i dag. I tillegg lyt det søkast om dispensasjon dersom det aktuelle området er regulert for fritidsbustader i kommunen sin arealplan, dette koster om lag like mykje.

Spørsmål til ordførar:

Vil ordføraren bidra til at det vert sett i gong arbeid frå administrasjonen si side, med føremål å gjera det enklast og billigast mogeleg å gjera fritidsbustader om til einebustader?

Forslag til vedtak:

Kommunestyret ber om ei sak i forkant av budsjetthandsaming 2022 der ein ber administrasjonen greie ut om ein kan redusere gebyr knytt til bruksendring frå hytte til hus som eit ledd i arbeidet med å få til stabilisering og vekst i folketalet.